




VOLDA KOMMUNE
Nærings- og utviklingsstaben
6101 VOLDA



Det Kongelege Kommunal og Regionaldepartement
Postboks 8112 Dep.

0032 Oslo

VOLDA, 08.02.2005

Vår ref. PEL-04/03080 Løpenr. 001043/05 Arkivkode 020 Dykkar ref.

MELDING OM POLITISK VEDTAK - NOU 2004: 19 LIVSKRAFTIGE DISTRIKTER OG REGIONER (DISTRIKTSKOMMISJONEN) HØYRINGSFRÅSEGN

Vi melder med dette frå at KOMMUNESTYRET den 03.02.2005 hadde føre ovannemnde som sak 0001/05, der det vart gjort slikt vedtak:

- 1a) *Volda kommune sluttar seg til dei mål og strategiar som ein samla Distriktskommisjon står bak. Regionalpolitikken må vere tilpassa føresetnadene og behova i den enkelte region. Ein målretta distriktpolitikk må kome i tillegg til regionalpolitikken.*
- 1b) *Volda kommune ventar seg ei heilt ny, offensiv satsing i distriktpolitikken, m.a. med ei radikal opprusting/nybygging av vegnettet.*
2. *Innanfor dei ulike sektorane (pkt. 7.4.3) vil Volda kommune:*
- a) *Tilrå at prinsippet om "vern gjennom fornuftig bruk" vert lagt til grunn som forvaltningsprinsipp i verneområde, og at det vert opna for regionale tilpassingar og prioriteringar innanfor arealvern og bruk av arealressursar.*
- b) *Støtte mindretalet sitt framlegg som peikar på at rovdyrpolitikken i større grad enn i dag må ivareta bygdene sine behov for å utnytte lokale utmarksressursar.*
- c) *Støtte dei samrøystes tilrådingane på landbruk, men gå mot forslag til omdisponering av landbruksstøtte slik eit fleirtal i distriktskommisjonen går inn for. Eventuelle reduksjonar i det samla produksjonstillegget til landbruket, for eksempel som følgje av nye internasjonale reglar, bør kanaliseras til landbruk og bygdeutvikling.*
- d) *Det skal framleis leggjast til grunn at Noreg skal føre ein nasjonal fiskeripolitikk, utan regionalisering når det gjeld kvotar med vidare. Råfisklova og deltakarlova bør oppretthaldast og vidareutviklast.*
- e) *Støtte dei samrøystes/fleirtalstilrådingane innanfor sektorane reiseliv, elektrisk energi, industri, petroleum, tenesteytande "nye" næringar og lokalisering av offentleg verksemd. Lokalisering av statlege, regionale og kommunale arbeidsplassar bør brukast aktivt for å tilføre lokalsamfunn og regionar nye utviklingsressursar i form av areidsplassar, kompetanse og fagmiljø.*

Postadresse:	Telefon:	Telefaks:	Org. nr.	939 760 946
Stormyra 2	70 07 88 02	70 05 87 01	Postgiro skatt	0827.5915190
6100 VOLDA	(dir.innval til saksh.)	70 05 87 51	Bankgiro	3991.07.81727
		70 05 88 71		
Gateadresse:		70 05 88 56		
Stormyra 2		70 05 87 91		

VOLDA KOMMUNE

Volda kommune

6101 VOLDA

f) Volda kommune støttar tilrådingane i høve auka innovasjon og nyskaping (pkt. 7.4.4). Ein vil særskilt påpeike det viktige i å vidareutvikle høgskulane og dei regionale forskingsmiljøa og å sikre grunnlag for ein entreprenørskapskultur på alle trinn i utdanningsløpet. Volda kommune støttar Distriktskommisjonen si samla tilråding i høve kapitaltilgang i distrikta.

Det er viktig at finansieringssystemet for universitet, høgskular og regionale forskingsmiljø er slik innretta at dei verkar til å prioritere og forsterke både den regionale forankringa og forskning og utviklingsarbeid knytt til regionen.

Kommunestyret støttar mindretalet sitt syn på at målretta verkemiddel-ordningar for kvinner i etableringsfasen må vidareførast

g) Volda kommune støttar fleirtalstiltalningane i pkt. 7.4.5 og vil spesielt understreke kravet om å få balanse i kommuneøkonomien. Inntektsystemet til kommunane må ta utgangspunkt i at distriktskommunar skal kompenseras for ekstra kostnader i høve demografi og avstand. Alle kommunar bør framleis vere generalistkommunar, men kan spesialisere seg gjennom samarbeid om oppgåveløysing.

h) Volda kommune støttar dei samrøystes tilrådingane i høve samferdsle og annan infrastruktur (pkt. 7.4.6), og vil spesielt understreke at det offentlege må ta ansvar for å få bygd ut IKT-infrastruktur i heile landet. Ferjer i riksvegsamband vert gratis frå 2009.

i) Volda kommune støttar fleirtalet sine tilrådingar i høve geografisk differensierte verkemidlar (pkt. 7.4.7) og vil spesielt påpeike Distriktskommisjonen og Effektutvalet sine tilrådingar om at den smale distriktspolitikken må tilførast meir økonomiske ressursar.

j) Volda kommune støttar fleirtalsinnstillinga om at ein bør halde oppe/gjeninnføre differensiert arbeidsgiveravgift så langt EU's regelverk opnar for denne typen støtte frå 2007.

- 3. Volda kommunestyre sluttar seg til fleirtalet i Distriktskommisjonen som meiner det skal vere tre folkevalgte nivå, der hovedstrategien er ei desentralisering av ansvar og mynde slik at avgjerder vert fatta på lavast mogleg effektive forvaltningsnivå.*
- 4. Volda kommunestyre vil vente med å gje ein endeleg uttale av det som gjeld framtidig fylkes- og kommunestruktur, oppgåvefordeling, maktfordeling/regionalisering innan fristen for 2. høyringsrunde (okt. 2005).*

Med helsing

Volda kommune, Servicekontoret

Anne-Karin Egseth
Anne-Karin Egseth
sekretær